

'Ilargiaren Sekretua' umeentzako filma Biterin botako dute abenduaren 27 eta 28an

Hernaniarren lana: Gidoia Maialen Lujanbiok idatzi du eta Niko Lizeaga da filmeko aktore nagusietako bat.

Hiru emanaldi: Biterin 3 emanaldi izango dira: abenduaren 27an, 16:30etan eta 18:30etan; eta abenduaren 28an, 11:00etan.

Sarrerak Leten: Sarrerak salgai daude dagoeneko, Lete liburutendan, Kale Nagusian. Prezioa 2 euro da.

ILARGIAREN Sekretua, haurrentzat euskeraz egin den aurreko filma Hernanin botako dute datorren astean, Bai Euskarari taldeak antolatuta. Hiru gaiztoek munduko lore guztiak bere egin dituzte eta ilargiaren sekretuaren jabe dira. *Pirritx*, *Porrotx* eta haur talde batek basamortuko adiskide berriari lorea bilatzen lagunduko diote, bere arreba sendatzeko. Filmean pisu handia dute hernaniarrek. Gidoia Maialen Lujanbiok egin du eta Niko Lizeaga da aktore-etako bat. Tibu Iradi ere aktore izan da eta zenbait eszena Jaurerri bailaran grabatuak dira.



Ilargiaren Sekretua filmeko arduradun, gidoigile eta aktoreak, Bai Euskarari ekimeneko kidearekin.

Arrakasta handia

Hik Hasi euskal heziketarako aldizkariak ekoiztutako filma da. Joxe Mari Auzmendi koordinatzailearen hitzetan 20 bat lekutan bota dute dagoeneko eta 7.000 lagun bai-

no gehiagok ikusi du Euskal Herri osoan. Deiak, ordea, herri askotatik izan dituzte eta orain baldintza errazagotetan ari dira ematen, ahalik eta jende gehienarengana

iristeko. Imanol Beroiz Bai Euskarari taldeko kidearen hitzetan haurtzaroen hizkuntza lantzeak garrantzia berezia du eta "produktu interesgarri hau" hargatik eka-

rri dute Hernanira.

Umeentzako katalogatutako film hori publiko guztientzat egokia dela nabarmendu dute, "5 urtetik 105 urtera" beren hitzetan. □

JOXE MARI AUZMENDI

(HIK HASI-EKOIZLEA)

"Umeentzako euskeraz egin den lehen filma da guk dakigula"

Hik Hasiko ordezkariak filmaren garrantzia azpimarratu du, euskeraz umeentzat irudi errealez egindako lehenengoa delako. Irudi mailan hutsune hori badagoela dio eta filmak etekin handia ateratzeko aukera ematen duela. Lehendik baditu Hik Hasik 2 bideo atereak jolas eta kantekin, baina lehen filma hau izan da.

MAIALEN LUJANBIO

(BERTSOLARIA)

"Oso aberasgarria izan da niretzat umeentzako gidoia egitea"

Maialen Lujanbio bertsolari hernaniarrak egin du gidoia. Bere hitzetan zaila eta aberasgarria izan da umeentzat gauzak egitea, "arrazoak helduentzat pentsatzera ohituta baikaude eta gero eta harreman txikiagoa dugu umeen munduarekin". Pelikulako aktoreek emandako laguntza azpimarratu du.

NIKO LIZEAGA

(AKTOREA)

"Taldea lan ona egin dugu oso eta filma egiten asko dibertitu gara"

Niko Lizeaga aktore hernaniarrak dio filma berezia izan dela beretzat, batipat 2 gauzgatik: batetik inoiz ez zuelako propio umeentzako horrelako gauzarik egin, "nahiz eta seme alabekin askotan tokatu Takolo, Pirritx eta Porrotx ikustera joatea". Eta bestetik, giro ona eta talde lan handia izan dutelako.

PORROTX ETA AMONA JOXEFINA

(PAILAZOAK)

"Filmak paiasogintzatik kanporako beste lan bat eskatzen du"

Porrotx eta Amona Joxefinak ondo ezagutzen dituzte umeak, beste protagonistek baino hobeto seguru asko. Film mundua, ordea, berria da berentzat eta gidoia egin eta egokitzeak paiasogintzatik kanporako beste lan bat eskatzen duela diote. Talde lana nabarmendu dute hauek ere.

Udal aurrekontua Plenora gaur

2005ERAKO udal aurrekontua gaur eztabaidatuko da Pleno berezi batean, 12:00etatik aurrera. Gobernuak (EA-EAJ, eta EB) 21.507.353 euroko aurrekontua proposamena egin du. Bildu Hernani eta PSE-EEK osoko zuzenketak jarri dizkiote. PPK, berriz, emendakin partzialak egin dizkio. Ongintza eta Kirol Patronatuak aurrekontuak ere eztabaidatuko dira gaur.

PP: lurra erosteko partida

Alderdi Popularrak 2005erako aurrekontuetan diru partida sartzea eskatu du babes ofizialeko etxeak egiteko lurra erosteko. Beste emendakin batean, Inmigrazio gaitako proiektuetarako eskatu du 30.000 eurotik 50.000 eurora igotzea aurrekontua.

Hasierako aurrekontu proposamenari Joxan Rekondo Alkateak berak ere beste puntu bat erantsi dio. Txotx denboraldi hasierarako 9.000 euro sartu eta txotx garaiko ekintzetarako 15.000 euro sartzea proposatzen du.

Gaurko Pleno bereziak beste 11 puntu ere baditu gai ordenean. □

Ipui kontalaria gaur

LUR Korta Udal Liburutegian arituko da umeentzako ipui kontari. Beti bezala, bi saio izango dira. 17:30etan 3-4 urteko umeentzat eta 18:00etan, 5-7 urtekoentzat. □

Lan munduari buruzko mahaingurua gaur

DOBERA Sariko ikerketaren barruan, mahainguru irekia egingo da gaur Larramendin, 19:00etan (ez Biterin), lehengo eta oraingo lan munduari buruz. Garai ezberdinetako zenbait langile eta langile ordezkari bertan izango dira. □

Kabalgatako bilera gaur

GAUR 20:00etan Biterin, Errege Kabalgata antolatzeko bilera. □

Iturriaga, 3 - ☎ 943 556 564 - HERNANI

MARI FE
ARRANDECIA
ORDUTEGIA
GOIZEAN: 8:00 - 14:00
ARRATSALDEAN: 16:30 - 20:00
NAGUSIA 36 ☎ 943 550 489

Iñaki Alkorta
barne diseinua
opariak,
konplementuak...
Kardaberaz 39 - www.inakialkorta.com - 943 335431



Bai Euskal Herriari ekimenari babesa eman dioten herritarrak, ekitaldi publikoan.

ENHA egiteko kanpaina martxan

BAI Euskal Herriari ekimenak ENHA egiteko kanpaina jarri du martxan eta Hernanin 2.000 egitea da helburua, erabilpenari begira pauso berriak emateko. "Gure helburua tramitazioak iraunkortu eta euskaldun bezala bizitzeko deia luzatu nahi dugu.

ENHA erabiltzeko deia hain zuzen ere" diote ekimenaren bultzatzaileek. Era berean, "Gu euskaldunak gara, eskubide osoko euskaldunak" adierazi dute, eta "gure eskubide zibil eta politikoak errespetatzea" eskatzen dute. Bai Euskal He-

rririari ekimenak bi eratarata bultzatuko ditu EHNaren tramitazioa. Batetik, sektoreka landuko du gaia, eta bestetik Udaltzaretan egun eta ordu iraunkorrak zehaztuko dituzte EHNA egin nahi duten herritarren eskura jartzeko. □

JASOTA BEZALA

Lapurreta jasan duen amonaren senideak

Azaroaren 26ko gertakariak zeresan eta nahaste berraste ugari sortu ditu nonbait. Gure amonak, beste askotan bezala, herrira igo eta pensioa kobratu ondoren, etxera bueltan, emakume gazte bat segika ari zitzaienaren susmoa hartu zuen. Etxeko atarira iritsi eta emakume hau amona eta beste bi bizilagunekin portalara sartu zen. Besteei zein pisutara zihozten galdetu eta gero, lehenik beste bien pisuko botoiari eman eta haiek jaitzi zirenean, amona gora behera eduki zuen igogailuan, dirua lapurtu zion arte. Amona etxera sartu eta berehala konturatu zen dirua falta zitzaiola (giltzak atera zituenean portaleko atea irekitzeko diruaren sobrea bertan zuen). Amona konturatu orduko, etxetik atera zen, harekin topo egiteko asmotan. Auzokide batekin topo egin eta halako ezaugarriak zituen emakume gazte bat ikusi ote zuen galdetu zion. Auzokideak baietz esan eta Politena ingurura korrika sartu zela esan zion. Bertatik, mugikor batekin, kuxxara deitu zuten, kartila anultzeko eta Ertzaintzari lapurreta

salatzeko asmotan. Ertzaintza etorri zenean Politenara sartu eta bertan zeuden pertsonen kametak erakutsi eta gero, amonak haietako bat, igogailuko emakumea bezala identifikatu zuen. Hernaniko Kronikan abenduaren 2an azaldu zen artikuloan identifikatu zuen pertsonaren lagunek ziotenaren arabera "gure amonak ez du emakume hau inoiz ikusi eta dagoeneko esan du bera izan dela". Igogailuan nahiko tarte izan zuen emakume horren aurpegia ezagutzeko, eta gero birritan, hainbat argazkien artean, pertsona bera identifikatu du. Hortaz argi gelditzen da, lapurreta gertatu dela eta gure amonak egoera desberdinetan emakume hau identifikatu duela. Honen ondorioz sortu diren esamesak tokirik ez dute. Esaten da, gure amonak lapurreta asmatu duela, auzokideak eta herritarrak kontra jartzeko. Horixe ederra, gure amonak okupak zeudenik ere ez zekien behintzat eta.


Baina gauza ez da hemen bukatzen, gertakariak gehiagorako ere eman du. Gure sorpresarako, abenduaren 10ean, Gara irakurri eta irizietan berriz ere gertakariaren berri.

Artikulua Xabier Silveirak idatzitakoa da eta berari lau hitz esan nahi dizkiogu. Batetik, eta batez ere, hurrengo batean gertakari bati buruz idatzi behar duenean, informazio faltsurik ez erabiltzeko eta jakinaren gainean idazteko. Bere hitzetan, lapurreta "ustezkoa" izan da, baina ziurtasun handiz honako baieztapenak bota ditu: "kontua da, ustez lapurreta egin dioten emakumea, heroinazale errekonozitua eta kolore guztietako poliziakideen salatari dela. Zer lapurtu zion? Metadona? Zenbat gramozaldi ordainduko zizkieten salaketa faltsua egiteagatik?"

Barkatu baina gure amonaren errealitatea guzti honetatik oso urrun dago. Gu ere herritar arruntak gara eta jakin badakigu gure herrian egoera injustu asko jasan behar ditugula egunerok. Baina, oraingoan zure baieztapen horiek ez dute ez hankarik eta ez bururik.

Bukatzeke zera esan nahi dizut: gurea den prentsa modu egokian erabili eta zaintzeko.

**Bixen Ezeiza
Familiaren izenean**



Manuel Sagarnari begiak bete egin zitzaizkion omenaldian.

Manuel Sagarnak omenaldi beroa eta hunkigarria jaso zuen

■ Agur omenaldi jendetsua izan zen Udaletxean ■ Sagarnak 54 urte egin ditu Bandan, eta 21 zuzendari.

MANUEL Sagarna Goiburu Musika Bandako zuzendariak omenaldi beroa eta hunkigarria jaso zuen Udaletxean, bere azken kontzertua eman aurretik. Joxan Rekondo Alkatea, Beatriz Fernandez kultura zinegotzia eta Juan Arzallus

Bandako lehendakaria izan ziren, besteak beste ekitaldian. Aretoa, berriz, txiki gelditu zen Sagarnari eskerrona erakutsi nahi ziotenentzako. Juan Arzallusek oroigarri makila eman zion 21 urtez zuzendari izan denari. □



Santo Tomas eta Inmaculada ikastetxean.

Santo tomasak ikastetxeetan. Santo Tomas egunarekin Hernaniko ikastetxeetan ekitaldi bereziak izaten dira urtero: txistorra ez ezik, barazki postuak, lehiaketak eta abar. Atzokoan, txistorra barruan jateko giro hobea egin zuen. □

HITZ BITAN

ELUR-TXORI

Mus txapelketa. Gaur asteazkena, buruz buruko partidak jokatu dira Elur-Txorin: Burugain/Joxe; A.Uriarte/P.Valero; Otegi/Arozamena; I.Imaz/Txaton; Lapazaran/J.R. Zubillaga. Bihar, osteguna, berriz: Lopez/Bilbao; Bilbao/Aierdi; Mellado/Karrera; Esnal/Ormazabal; Lopez/Joxan. □



YONE
boutique
Kale Nagusia 63
Aurtengo Gabonetan
PREZIO BEREZIAK
• %20
deskontua

AMEGAR
Etxe tresnak
Altzariak
Elektrogailuak
TB- Bideoak-
HI-FI-Opariak
Sukalde altzariak
Tel.: 943 55 11 25
Faxa: 943 55 16 03

ZERBITZUAK

| ☎ TELEFONOAK | ☎ FARMAZIAK |
|--|---|
| <ul style="list-style-type: none"> ▶ Taxiak: 943 550093 ▶ Udaltzaingoa: 943 333288 ▶ DYA: 943 464622 ▶ Autobusak: 943 556662 ▶ Anbulatorioa: 943 006666 ▶ Jokalari anonimoak: 943 331103 ▶ Alkoholiko anonimo: 943 331103 | <ul style="list-style-type: none"> ▶ Egunez: Etxebeste Elkano 2 ☎ 943 552087 ▶ Gaez: Oa Usurbil. Poligono 1, 1 ☎ 943 376076 |

IRAGARKI MERKEAK
Inigo Royo Masajista. Masajea, naturopatia, akupuntura, ajuste neurologiko eta bertebrale, reflexologia, auriculoterapia, ... 943 33 28 94 - 626 80 76 33 (Sta Barbara 42)
Etxebizitza salgai herritik gertu. Hiru gela, kalefazioa, lur zatia, txokoa eta aterpea. Interesatuek deitu: 635 75 86 61